



Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Na osnovu člana 20. Zakona o slobodi pristupa informacijama u Federaciji Bosne i Hercegovine ("Službene novine Federacije Bosne i Hercegovine", br. 32/01 i 48/11) (u daljem tekstu: ZOSPI), ministrica za nauku, visoko obrazovanje i mlade Kantona Sarajevo, donosi

I N D E K S R E G I S T A R

informacija u posjedu Ministarstva za nauku, visoko obrazovanje i mlade Kantona Sarajevo

U skladu sa odredbama Zakona o izmjenama i dopunama Zakona o organizaciji i djelokrugu organa uprave i upravnih organizacija („Službene novine Kantona Sarajevo“, broj 14/21), Ministarstvo za nauku, visoko obrazovanje i mlade (u daljem tekstu: Ministarstvo), vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti nauke, visokog obrazovanja i mladih.

Poslovi iz djelokruga Ministarstva vrše se u okviru osnovnih organizacionih jedinica:

- a) Sektor za nauku;
- b) Sektor za visoko obrazovanje;
- c) Sektor za mlade;
- d) Sektor za finansijsko – računovodstvene poslove.

Izvan organizacionih jedinica poslove iz nadležnosti Ministarstva obavlja sekretar Ministarstva i drugi samostalni izvršoci koji su neposredno organizaciono vezani za rukovodioca, a koji obavljaju određene poslove za rukovodioca i za organizacione jedinice Ministarstva.

II - INFORMACIJE

Prema članu 3. tačka (1) ZOSPI pod informacijom se podrazumijeva svaki materijal kojim se prenose činjenice, mišljenja, podaci ili bilo koji sadržaj, uključujući i svaku kopiju ili njen dio, bez obzira na oblik ili karakteristike, kao i na to kada je sačinjena i kako je klasifikovana.

Infomacije koje su pod kontrolom Ministarstva:

a) Sektor za nauku, informacije koje se rezultat obavljanja upravno - nadzornih poslova, normativno - pravnih, studijsko - analitičkih poslova i stručno - operativnih poslova osnovne djelatnosti, kao i administrativno tehničkih poslova kao dopunskih poslova osnovne djelatnosti, a odnose se na: osiguravanje uvjeta za postizanje proširivanje naučnih saznanja, podsticanje upotrebe nauke za društveni razvoj, povećanje obima i kvaliteta naučnoistraživačke djelatnosti, stimuliranje naučnika i istraživača, podsticanja saradnje subjekata iz naučnoistraživačke djelatnosti u namjeri da se doprinese porastu kvaliteta života u materijalnom i kulturnom domenu, privrednom napretku i općem razvoju u Kantonu Sarajevo; poslovi koji se odnose na definiranje i realizaciju strategije razvoja nauke; osposobljavanje kadrova za naučnoistraživački i istraživačkorazvojni rad, odnosno uvođenje u naučni rad mlade populacije, te usavršavanje naučnika; razvoj postojeće i uvođenje nove naučnoistraživačke infrastrukture, kao preduvjeta za naučnoistraživački i istraživačkorazvojni rad; naučnoistraživački i istraživačkorazvojni projekti koji se realiziraju u saradnji subjekata iz različitih kantona, entiteta, te u okviru međunarodne saradnje; naučnoistraživački projekti i



razvojna istraživanja čija je tematika od posebnog, odnosno šireg interesa za razvoj Kantona Sarajevo i Bosne i Hercegovine, stimuliranje stjecanja naučnih stepena putem međunarodne naučne saradnje; razvoj programa naučnoistraživačke djelatnosti u Kantonu kao osnova za podsticanje naučnoistraživačkog i istraživačkorazvojnog rada u Kantonu; vođenje evidencije pravnih i fizičkih lica koja obavljaju naučnoistraživačku djelatnost; raspisivanje i/ili davanje saglasnosti na konkurse za stjecanje naučnog zvanja, vođenje evidencije naučnika i istraživača sa područja Kantona i evidencija lica izabranih u naučno-nastavna i saradnička zvanja, koji sudjeluju u naučnoistraživačkim i istraživačkorazvojnim projektima, nadzora nad primjenom odredbi zakona koje uređuju naučnoistraživačku djelatnost; stručnih i administrativnih poslova za potrebe Savjeta za nauku Kantona Sarajevo i drugih poslova iz nadležnosti sektora u skladu sa zakonom i drugim propisima.

b) Sektor za visoko obrazovanje, informacije koje se rezultat obavljanja poslova upravnog rješavanja, upravno – nadzornih poslova, normativno – pravnih, studijsko - analitičkih poslovi, stručno - operativnih i informaciono – dokumentacionih poslova osnovne djelatnosti i administrativno tehničkih poslova kao dopunskih poslova osnovne djelatnosti, a odnose se na: provjeru ispunjavanja uslova za početak rada i daljnji rad visokoškolske ustanove i drugih oblika organizovanja u skladu sa ovim zakonom; donošenje rješenja o ispunjenosti uslova za početak rada visokoškolske ustanove; zatim donošenje rješenja kojim se nalaže otklanjanje nedostataka u radu visokoškolske ustanove; donošenje rješenja o zabrani obavljanja djelatnosti visokoškolskoj ustanovi u slučaju neispunjavanja uslova za njen rad; praćenje rezultata postupka sticanja vanjske ocjene kvaliteta; donošenje propisa o sadržaju, postupku upisa i načinu vođenja Registra visokoškolskih ustanova; vođenje odgovorajućih registara utvrđenih zakonom kojim je uređena oblast visokog obrazovanja; vršenje nadzora nad zakonitošću rada visokoškolske ustanove u oblasti visokog obrazovanja u skladu sa zakonom; razmatranje inicijalnih prijedloga visokoškolske ustanove kao javne ustanove; predlaganje Vladi Kantona Sarajevo broja i strukture studenata koji se upisuju u prvu studijsku godinu prvog i drugog ciklusa studija odnosno integrisanog studija; poslovi podsticanja mobilnosti studenata i akademskog osoblja u okviru evropskog prostora visokog obrazovanja i na međunarodnom nivou; propisivanje sadržaja javnih isprava koje izdaje licencirana i akreditovana visokoškolska ustanova u skladu sa zakonom; predlaganje kriterija za raspodjelu budžetskih sredstava za finansiranje/sufinansiranje visokoškolske ustanove kao javne ustanove; donošenje odluka o statusnim promjenama u skladu sa Zakonom o visokom obrazovanju; provjeravanje ispunjenosti uslova i davanje prethodne saglasnosti za uvođenje i realizaciju novih studijskih programa u skladu sa važećim propisima koji se realizuju u okviru visokoškolske ustanove ili u saradnji sa drugom visokoškolskom ustanovom/organizacionom jedinicom.

c) Sektor za mlade, informacije koje se rezultat obavljanja studijsko - analitičkih poslova i stručno - operativnih poslova osnovne djelatnosti i administrativno – tehničkih poslova kao dopunskih poslova osnovne djelatnosti a odnose se na : definisanje i provođenje institucionalnih mehanizama brige vlasti prema mladima; definisanje i provođenje kantonalnih programa djelovanja za mlade u pojedinim oblastima omladinskog sektora propisanih zakonom i podzakonskim aktima; saradnju i koordinaciju aktivnosti sa omladinskim sektorom i omladinskim udruženjima; saradnju sa svim nivoima vlasti u cilju unapređenja sistemskog uređenja oblasti mladih; provođenje aktivnosti na pripremi i realizaciji istraživanja o potrebama i problemima mladih; pripremu i izradu strategije za mlade; utvrđivanje politika i pripremu zakonskih i podzakonskih akata iz nadležnosti sektora; saradnju sa krovnim omladinskim strukturama; aktivnosti u vezi informisanja mladih i jačanja uključivanja mladih u procese odlučivanja; uspostavljanje i održavanje sveobuhvatne baze podataka o omladinskim udruženjima, udruženjima koja se bave pitanjima mladih i formalnim i neformalnim grupama mladih; izrada baze i vođenje evidencije udruženja, institucija, ustanova, međunarodnih i drugih organizacija koje rade s mladima ili pružaju potporu omladinskim aktivnostima; defmisanje, utvrđivanje i provođenje programa djelovanja za mlade u oblastima iz nadležnosti Ministarstva; praćenje realizacije postojećih programa u oblasti mladih na kantonalnom nivou; koordiniranje međuresorne saradnje i učestvovanje u aktivnostima resornih ministarstava koje provode iz oblasti mladih; izradu analiza, izvještaja, informacija, elaborata, studija, programa, planova, procjena i drugih stručnih, informativnih, planskih, dokumentacionih i analitičkih materijala iz nadležnosti sektora; stručnu obradu sistemskih rješenja od značaja za mlade; savjetovanje mladih i njihovih predstavnika, naročito o pravnim postupcima ostvarivanja prava i izvršavanja



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



obaveza koje se temelje na zakonu kojim su uređena pitanja mladih i drugim zakonima; pripremu i dostavljanje izvještaja; analize i saopštenja o pitanjima iz nadležnosti.

d) Sektor za finansijsko – računovodstvene poslove, informacije koje se rezultat obavljanja stručno – operativnih i računovodstveno – materijalnih i administrativno tehničkih poslova koji se odnose na poslove planiranja i izrade budžeta Ministarstva i ustanova u nadležnosti ministarstva u cilju osiguravanja sredstava za realiziranje nastavne, naučnonastavne, umjetničke, umjetničkonastavne i naučnoistraživačke djelatnosti na visokoškolskoj ustanovi kao javnoj ustanovi, praćenja izvršenja budžeta Ministarstva i ustanova u nadležnosti Ministarstva, priprema i izrade kriterija za raspodjelu budžetskih sredstava za finansiranje/sufinansiranje visokoškolske ustanove kao javne ustanove, poslove vezane za finansiranje broja kandidata domaćih i stranih studenata koji će se finansirati iz budžeta Kantona; poslove praćenja obaveza organizacionih jedinica Univerziteta u pravnom prometu sa trećim licima u okviru ograničenja i odobrenih sredstava budžeta, koja se vode na njihovom potrošačkom mjestu u budžetu i u skladu sa usvojenim finansijskim planom Univerziteta; poslove vezane za finansiranje rada Univerziteta u Sarajevu i djelatnosti Studentskog centra Sarajevo, a odnose se na finansijsko poslovanje, budžetski zahtjev Univerziteta i kriterije za dodjelu sredstava, finansijsku podršku internacionalizaciji i povezivanju visokog obrazovanja i naučnoistraživačkog rada sa privredom, shodno odredbama zakona kojim je uređena oblast visokog obrazovanja, nadzora nad finansijskim poslovanjem.

e) Izvan organizacionih jedinica, informacije koje se rezultat obavljanja studijsko – analitičkih, stručno – operativnih, informaciono - dokumentacionih poslova osnovne djelatnosti, kao i administrativno – tehničkih i operativno - tehničkih poslova pomoćne djelatnosti koji se odnose na poslove od značaja za unutrašnju organizaciju i rad Ministarstva; izradu nacrtu godišnjeg programa rada i izvještaja o radu Ministarstva; saradnju između Ministarstva i drugih tijela državne službe i pravnih lica; izradu planova i programa za uspostavljanje, razvoj i povezivanje složenijeg informacionog sistema, njegovo održavanje i nesmetano funkcioniranje; izradu metodologija i standarda za formiranje, razvijanje i održavanje banke podataka, analizu tih podataka i njihovo publiciranje; izradu projekata i programa informacionog sistema za složenije poslove automatske obrade podataka i vršenje tih poslova; prikupljanje, sređivanje i obrada podataka u odgovarajućoj oblasti i informiranje javnosti o radu organa državne službe, stanju u toj oblasti i mjerama koje se preduzimaju (portparoli) i uređivanje i redakciju biltena, publikacija, brošura i drugih informativnih materijala i stručne literature i poslovi u vezi njihovog izdavanja.

III - OBLIK INFORMACIJE

Zavisno od zahtjeva za pristup informacijama može se izvršiti uvid u originalni dokument ili se ista može dati kao kopija postojećeg originalnog dokumenta. Pristup informacijama se može omogućiti i kao posebno sačinjena informacija sa pozivom na izvor podataka.

IV - MJESTO PRISTUPA INFORMACIJAMA

Zahtjev za pristup informacijama podnosi se Ministarstvu, ul. Reisa Džemaludinma Čauševića broj 1. Podnosilac zahtjeva može dobiti informacije o podnesenom zahtjevu kod službenika za informisanje u Ministarstvu - kancelarija na adresi ul. Reisa Džemaludina Čauševića broj 1., broj sobe 32., kontakt telefon 033/562-028, e-mail adresa: belma.trajkov@mon.ks.gov.ba.

Za informacije koje nisu navedene u Indeks registru možete se obratiti ovlaštenom službeniku za informisanje.

MINISTARICA

Prof.dr. Melika Husic Mehmedović

Broj: 27-01/2-02-21505/21
Sarajevo, 14.05. 2021. godine



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128.
Fax: + 387 (0) 33 562-218

Sarajevo, Reisa Džemaludina Čauševića 1

